

18. juli 2016

Inatsisartut suleriaasianni § 37 naapertorlugu matumuuna Naalakkersuisunut imaattunik apeqqu-teqaatinik saqqummiussivunga:

Apeqqu:

- 1. IT-mut iliuusissamik pilersaarutip anguniagaa 2018-ip naalernerani 10 Mbit/s sukkatigisumik Nunarput tamakkerlugu pilersorneqareersimassasoq eqqarsaatigalugu Naalakkersuisunit Tunumi tamanna qanoq naammassiniarneqassava?**
- 2. Immap naqqatigut Tunumut attavilerlugu kabelilersuisoqarsinnaava, imaluunniit arlaatigut tamanna tunngaveqarluni, immap itissusaa aammalu sikup pissusaa patsisaallutik tamanna piviusunngortinneqarsinnaanngila?**
- 3. Immap naqqatigut Tunumut attavilersuissagaanni tamanna qanoq naleqassava?**
- 4. 2018-2019-imi satelitsinut nutaanut ikaarsaariarnissami Tunumi internetikkut 10 mbit/s-imik attaviliisoqarsinnaava? Imaluunniit 10 Mbit/s attavilertinniaaraanni satelitsikkut immikkut saniatigut attavileqqittoqassava - tamannalu qanoq akeqassava?**
- 5. Tunumi radiokædemik tigussaasumik pilersitsisoqarsinnaava soorlu assersuutigalugu Tasiilap aamma Tasiilap nunaqarfiisa akornanni (ajornanngippallu Ittoqqortoormiit ingerlateqqillugu), qanorlu tamanna akeqassava?**

(Inatsisartuni ilaasortaq, Laura Tåunâjik, Siumut)

Tunngavilersuineq:

Nalunaarasuartaatikkut atassuteqarneq ullumikkut søkabel atorlugu ingerlanneqarpoq (Nuuk aamma Qaqortoq), radiut atassuteqaqatigiiaat (Kitaata sineriaa) aamma satellitti (Tunu aamma Tunup Avannaa).

Pilersaaruteqartoqarpoq søkabelip Aasiannut attavilissallugu, Maniitsoq aamma Sisimiut aqqusaarlugit. Suli avannarpasinnerusumi søkabelilersuisoqarsinnaanngilaq, iluliaminerit aammalu iluliarsuit kabeli kittorariaannammasuk. Taamaakkaluartoq pilersaartoqarpoq Aasianniit Qasigiannugit aqqusaarlugit Ilulissap tungaanut radiut atassuteqaqatigiiaat sukkasuut

pilersinniarneqarput, tamassumallu sukkassusaa skabellitut sukkatigivoq. Tamakkua saniatigut naatsortsuutigineqarpoq radiut atassuteqaataat tallineqassasut Uummannamiit Upernavimmut.

TELE-POST-ip sattelittikkut attaveqaatai ukiup 2018-2019 missaani sattelittinut nutaanut nuunneqartussaapput. Intelsat 903 taartissaa naatsorsuutigineqarpoq Intelsat Epic 35e.-jussasoq, taannalu nassitsinermi sakkortussusaa annertunerussaag tigusillaqqinnerussallunilu. Aqqut taanna atorlugu internetikkut aallakaatitap - bndbredde - annertusaatigineqarsinnaavoq.

Internettikkut aallakaatitap - bndbredde atoriaannaanera / internetilu sukkasooq Nunatsinnut annertuumik sunniuteqarpoq: tele aqqutigalugu nakorsiarsinnaaneq aammalu ilinniarfik najornagu atuartitsineq, periarfissarujussuupput nunami angisuumi avinngarusimasumilu nakorsanik amigaateqartuarneq kiisalu nakorsat ilinniartitsisullu naammattut napparsimavinni atuarfinnilu pigineqangisaannarmata makkua periarfissatut atorluartariaqarput. Video atorlugu ataatsimiinneq isumasiuinerlu manna periarfissarujussuuvoq angalanissamullu aningaasartuutit ikigisassaangitsut kommunerujussuarni namminersornerusunilu sipaarneqarsinnaammata. Tassalumi internetikkut attaveqaatit sukkanerpaat pigisariaqarlutik makkuninnga ingerlataqarniarutta: tele aqqutigalugu katsorsaaneq imaluunniit nakorsiarneq, interneti sukkasooq, najornagu atuartitsineq, videokkullu isumasiuinerit.

Internettikkut aallakaatitap - bndbredde atoriaannaanera / internetilu sukkasooq aamma inuussutissarsiornikkut sunniutilissuuvoq, minnerunngitsumik takornariaqarnikkut-tunisassiorsinnaaneq, nunatta aningaasaqarnianeranut ikorfartuutaasussasoq kissaatigaarput. Suliffinnik nutaanik pilersitsiniaasunut aamma iluaqutissaavoq, aammalu nunap immikkoortuini tunisassiornikkut annertusaaanissamik periarfissat killilerujussuullutik.

Tamakkua tamaasa eqqarsaatigereerlugit Namminersornerusut IT-kkut pilersaaruteqarput 2018-ip naalernerani sumiluunniit 10 Mbit/s neqeroorutaasinnaalluni aammalu innuttaasut 80%-ii 30 Mbit/s atulersimassallugu.

Apeqqut uaniinneruvoq, Naalakkersuisut Tunu pillugu anguniagaq qanoq ilillugu piviusunngortinniarneraat. Skabelimik attaviliinissaq periarfissaannginnerluni? Taamangippat periarfissaasinnaasut allat suuppat?